

Preporuke

Ako biste htjeli da podijelite svoje pozitivno iskustvo u BreastScreen SA s drugim ženama kako biste pomogli da ih ohrabrimo da učestvuju u kontrolnom testiranju dojki na rak, voljeli bismo da se čujemo s Vama! Ima više načina kako možete da ispričate svoju priču – molimo kontaktirajte naš tim za promovisanje i obrazovanje na 08 8274 7100 ili pošaljite imejl na BSSApromoed@health.sa.gov.au da biste saznali više.

Biće nam drago da Vas ponovo vidimo kad bude vrijeme za Vaše ponovno kontrolno snimanje.



Poslije Vašeg termina za snimanje dojki

For more information

BreastScreen SA
SA Health
Telephone: 13 20 50
www.sahealth.sa.gov.au/breastscreen
bssaenquiries@health.sa.gov.au

If you do not speak English, request an interpreter from SA Health and the Department will make every effort to provide you with an interpreter in your language.



www.ausgoal.gov.au/creative-commons

© Department of Health and Ageing, Government of South Australia. All rights reserved. Printed March 2014. 13038

Šta se dešava poslije mog kontrolnog mamograma?

Snimci Vašeg kontrolnog mamograma će se poslati u našu Državnu jedinicu za koordinaciju (State Coordination Unit) u Adelajd (Adelaide) da ih nezavisno jedni od drugih pregledaju dva doktora specijalista (radiolozi).

Kad ću dobiti rezultate?

Ako se ne nađe nikakav znak za rak ili ako ne bude bio potreban nikakav dodatni test, Vi i Vaš imenovani ljekar ćete biti pismeno obaviješteni o rezultatima u roku od 14 dana.

Većina žena dobije umirujući nalaz da njeni snimci ne pokazuju znakove za rak dojke.

Vaši kontrolni snimci dojke će se pohraniti u BreastScreen SA, tako da se kasnije mogu usporediti s budućim novim snimcima dojki. Ako donesete sa sobom privatno urađene slike, one će Vam se vratiti.

BreastScreen SA ima stroga pravila o privatnosti, i osoblje ne može da ostavi poruku na telefonu ili da razgovara o Vašim rezultatima s Vašom rodbinom ili s drugima bez Vaše dozvole.

Molimo kontaktirajte BreastScreen SA ako niste primili svoje rezultate u roku od 21 dana.

Šta ako budu potrebni dodatni testovi?

Jedan manji broj žena će trebati da se vrati radi dodatnih testova. To može da uključi detaljnije rendgenske snimke, ultrazvučni pregled i druge testove koji se rade besplatno na našoj Klinici za pregled (Assessment Clinic) u Adelajdu.

Većina žena koje su pozvane za dodatne testove se uvjere da nemaju rak dojke.

Molimo budite na raspolaganju šest sedmica nakon Vašeg termina za snimanje dojki za slučaj da budu potrebni dodatni testovi. Ako planirate da idete nekuda, molimo Vas dajte nam alternativne podatke za kontakt.

Kad treba da uradim sljedeće kontrolno snimanje dojki?

Ako se ne nađe nikakav znak za rak, za dvije godine ćemo Vam poslati podsjetnik - poziv za Vaše sljedeće snimanje dojki. U nekim slučajevima preporučuje se godišnje snimanje dojki.

Kontrolno snimanje dojki ne sprečava pojavu raka dojke u budućnosti, pa se snimanje dojki treba ponoviti u redovnim intervalima da bi se otkrile promjene u dojkama.

Da li treba da radim išta drugo između posjeta za snimanje?

Između posjeta za snimanje, važno je da budete upoznati sa normalnim izgledom i osjećajem svojim grudima. Ako primijetite kakvu promjenu, kao na primjer kvržicu ili isjcedak iz bradavice, treba da kontaktirate svog ljekara čim prije da biste organizovali daljnje pretrage.

Šta se dešava s informacijama u vezi moje posjete za kontrolno snimanje?

Rezultati bilo kojih testova koje izvršite i kopije slika sa kontrolnih snimanja se šalju Vašim imenovanim ljekarima ako treba, te bilo kom drugom doktoru koji je uključen u daljnja testiranja ili liječenje. Informacije o pretragama i o liječenju nakon Vašeg kontrolnog snimanja se sakupljaju od Vaših doktora koji vas liječe, da bi se pomoglo BreastScreen SA da osigura da primete najprikladniju njegu.

Kako mogu da dobijem pristupa svojim podacima?

Kopije Vaših snimaka dojki mogu, uz Vaš pristanak, da se dadnu na raspolaganje drugim službama BreastScreen Australije koje Vi posjetite. Također će se dati imenovanim specijalisti(ma) ako bude potrebno radi liječenja.

Kopiju svog dosijea za Vašu ličnu evidenciju možete da dobijete ako predate molbu po zakonu o slobodi informacija (Freedom of Information). Možda će se tražiti od Vas da platite pristojbu. Da biste saznali više, molimo kontaktirajte BreastScreen SA na 13 20 50.

Davanje povratne informacije

Vjerujemo da ste zadovoljni s uslugom koju ste danas primili – ako želite da date neki komentar, ideju ili prijedlog u vezi s našim programom, možete da dobijete karticu za povratnu informaciju na recepciji klinike, ili možete da nas nazovete na 13 20 50.